

Հերթական փորձ՝ վերակենդանացնելու այսպես կոչված

«Զանգեզուրի միջանցքի» թեման

ԱՌՎԱԿ կենտրոնի մեկնաբանությունը, 06.04.2025 թ.¹

04.04.2025 թ. Եվրահանձնաժողովի նախագահ Ուրսուլա ֆոն Լայենը Սամարղանդում ԵՄ-Կենտրոնական Ասիա գազաթնաժողովում հայտարարել է, թե *«Թուրքիայի և Ադրբեջանի հետ Հայաստանի սահմանների բացումն առավել քան երբևէ իրար կմոտեցնի Եվրոպան և Կենտրոնական Ասիան»*: Ֆոն Լայենը բարձրաձայնեց այս պայմանի անհրաժեշտությունը Անդրկասպյան տրանսպորտային միջանցքի արդյունավետ գործունեության համար, որը կոչված է ապահովելու ցամաքային ճանապարհային կապեր Եվրոպայի ու Կենտրոնական Ասիայի միջև և լայն իմաստով՝ Արևելք-Արևմուտք առանցքի երկայնքով Եվրասիայում միջմայրցամաքային առևտրային ուղիների վրա արդյունավետ աշխատանք հաստատելու համար:

Առաջին հայացքից ֆոն Լայենի հայտարարությունն ստանդարտ է և տեղավորվում է շահառուների միջազգային շրջանակի գործողությունների տրամաբանության մեջ, որոնք ձգտում են համատեղ իրականացնել Ատլանտյանից մինչև Խաղաղ օվկիանոս տասնյակ երկրների առևտրային և ճանապարհային ինտեգրման մեզանախազիծ: Եվրահանձնաժողովի նախագահին իր ելույթում նշեց, որ Անդրկասպյան միջանցքն ամբողջ ծրագրի առանցքային օղակն է, որին պետք է հատուկ ուշադրություն դարձնել՝ կապված հայ-ադրբեջանական և հայ-թուրքական հարաբերություններում առկա խնդիրների հետ: Փաստարկը տրամաբանական է, բայց իրավիճակից ֆոն Լայենի համար տեսանելի ելքի վերաբերյալ իր իսկ ձևակերպումը հարցեր է առաջացնում: Նա հայտարարում է *«Թուրքիայի և Ադրբեջանի հետ Հայաստանի սահմանները բացելու»* անհրաժեշտության մասին՝ դրանով իսկ, ըստ էության, աջակցելով ադրբեջանական կեղծ խոսույթին առ այն, թե իբր Երևանն է, որ կողպած է պահում իր սահմանները՝ խախտելով 09.11.2020 թ. համաձայնագրի՝ ՀՀ-ի և ԱդրՀ-ի միջև բոլոր հաղորդակցությունների բացման մասին առանցքային կետերից մեկը: ԵՄ բարձրաստիճան պաշտոնյայի բացահայտ ընդգծված ձևակերպումն այսպիսով իսկ խեղաթյուրում է իրավիճակի էությունը և դիրքերի համահնչունությունը բանակցային գործընթացում, որի ընթացքում հատկապես Երևանն է ձգտում առանց նախապայմանների և կարճ ժամկետներում հասնել Թուրքիայի հետ սահմանի բացմանը *«Մարգարա»* վերահսկիչ անցակետում, ինչպես նաև պատրաստակամություն է հայտնում *«բառացիորեն հաշվված օրերում»* ապահովել Ադրբեջանի քաղաքացիների և բեռների ազատ տեղաշարժը հայկական տարածքով դեպի Նախիջևան: Ընդ որում՝ առանց ադրբեջանական կողմից հայելային գործողությունների պահանջների, որոնք, ի դեպ, ամրագրված են 2020 թ. նոյեմբերյան համաձայնագրում:

¹ Նյութի բնօրինակը (ռուս.) հրապարակվել է մեր կայքէջում 04.02.2025 թ.:

Դժվար է պատկերացնել, որ Ուրսուլա ֆոն Դեր Լայենի կողմից հարցի բարձրացումը թյուրիմացության կամ սխալ մեկնաբանության արդյունք է, հետևաբար՝ Գերագույն հանձնակատարը միտումնավոր կրկնում է քննարկվող հարցի վերաբերյալ Բաքվի և Անկարայի խոսույթները: Այսինքն՝ ԵՄ-ը գտնում է, որ հաղորդակցությունների բացման հարցը պետք է լուծվի թուրք-ադրբեջանական երկրակի առաջ քաշած ձևաչափերով ու պայմաններով, որոնք ենթադրում են դեպի ՆԻՀ արտատարածքային միջանցքի ստեղծում Հայաստանի ինքնիշխան տարածքի հաշվին: Ֆոն Դեր Լայենի տրամաբանությամբ՝ եթե Երևանը մինչև վերջերս դիմադրում էր Բաքվի պայմաններին ու պահանջներին, ապա միայն նա է մեղավոր Անդրկասպյան միջանցքի նախագծի իրագործումը ձգձգելու համար, միջանցք, որի մի մասը պետք է դառնա, այսպես կոչված, «*Ձանգեզուրի միջանցքը*»: Այսպիսով, Եվրոպացի բարձրաստիճան պաշտոնյան փաստացի մեղադրում է Հայաստանին նույնիսկ այն բանի համար, որ Անկարան փակ է պահում թուրք-հայկական սահմանը, քանի որ, ինչպես հայտնի է, Հայաստանի հետ սահմանի ապաշրջափակման հարցը և, ընդհանրապես, Երևանի հետ հարաբերությունների կարգավորումը Թուրքիան կապում է հայ-ադրբեջանական բանակցությունների արդյունքների հետ: Հետևապես՝ Բաքվի պահանջներին ամբողջությամբ զիջելու Երևանի պատրաստակամությամբ:

Եվ այսպես, առկա է Հայաստանի վրա քաղաքական ճնշման դրսևորում, ԵՄ-ի կողմից, որը բարձր է գնահատում Ադրբեջանին որպես Եվրոպայի էներգետիկ անվտանգության ապահովման առանցքային գործընկերոջ, բայց մինչև վերջերս առանձնապես չէր բարձրաձայնում իր շահագրգռվածությունը լուծելու «*Անդրկասպյան միջանցքի*» հետ կապված խնդիրները՝ ՀՀ շահերի, տարածքային ամբողջականության և ինքնիշխանության հաշվին: Կարելի է ենթադրել, որ Ադրբեջանն ու Թուրքիան շարունակել են Երևանի դեմ «*Մեկ գոյրի, մեկ ճանապարհի*» մեզանախագծի «*շահառուների ճակատ*» ձևավորել Ուզբեկստանի Սամարղանդ քաղաքում կայանալիք «*պարմական*» գազաթնաժողովի նախօրեին՝ նպատակ ունենալով կոնսենսուս ձեռք բերել Մեդրիի նկատմամբ Հայաստանի ինքնիշխանության վերանայման շուրջ: Ակնհայտ է, որ Բաքուն և Անկարան ակնկալում էին ՉԺՀ-ին ընդգրկել Երևանի վրա քաղաքական-քարոզչական ճնշում գործադրելու խնդրում, սակայն այս ջանքերի արդյունքները միանշանակ չէին: Այս մասին է վկայում ադրբեջանական ԶԼՄ-ների տարածած տեղեկությունն առ այն, որ բարձրաստիճան պաշտոնյա Լյու Յզյան Զառի գլխավորած ՉԿԿ Կենտկոմի պատվիրակությունը, որ Սամարղանդի գազաթնաժողովից երկու օր առաջ հրավերով ժամանել էր Բաքու, իբր հայտարարել է, թե Պեկինը շահագրգռված է «*Ձանգեզուրի միջանցքի*» ստեղծմամբ: Մինչդեռ մեկ օր անց Հայաստանում Չինաստանի գործերի ժամանակավոր հավատարմատար Չեն Մինը հայտարարեց, որ Բաքվում չինական պատվիրակությունը երբեք չի հիշատակել «*Ձանգեզուրի միջանցք*» եզրույթը, քանի որ Պեկինը «*հավաքարիմ է Հայաստանի ինքնիշխանության և տարածքային ամբողջականության սկզբունքին*»: Չեն

Մինը Բաքվի ՋԼՄ-ների տեղեկությունները «կեղծ» է անվանել՝ հասկացնելով, որ դա քաղաքական սադրանք է:

Այսպիսով, Չինաստանի դեսպանը հերթական անգամ հաստատեց Չինաստանի դիրքորոշումը, որն արտահայտվել էր մեկ ամիս առաջ (04.03.2025 թ.) Պեկինում ՉԺՀ փոխարտգործնախարար Լյու Բինի և նրա հայ գործընկեր Մնացական Սաֆարյանի հանդիպման ժամանակ: Այնուհետև Լյու Բինն ասել է, որ Հայաստանն ու Ադրբեջանը կարևոր գործընկերներ են Չինաստանի համար, և Պեկինը շահագրգռված է հարևանների միջև արդար խաղաղության հաստատմամբ՝ հիմնված միմյանց ինքնիշխանության և տարածքային ամբողջականության փոխադարձ ճանաչման վրա, ինչը կծառայի որպես «Մեկ գոտի, մեկ ճանապարհ» նախագծին նրանց արդյունավետ ինտեգրման երաշխիք:

Վերոնշյալ ակնարկը ցույց է տալիս տարածաշրջանային և արտատարածաշրջանային դերակատարների՝ Սյունիքի խնդրի նկատմամբ վերաբերմունքի յուրահատուկ դասավորությունն ու շրջանի՝ միջազգային առևտրի և ճանապարհային նախագծերում ինտեգրվելու ձևաչափի ընկալումները:

Չինաստանը, որը «Մեկ գոտի, մեկ ճանապարհ» ծրագրի հիմնական շահառուն է, հստակորեն աջակցում է Երևանի ինքնիշխանությանը Սյունիքի նկատմամբ՝ պայմանով, որ ստեղծվեն պարզեցված տարանցման և մաքսային արտոնությունների համընդհանուր մեխանիզմներ Հայաստանի տարածքում: Իրանը, ինչպես կարելի է եզրակացնել այդ երկրի բազմաթիվ պաշտոնյաների հայտարարություններից, նույն կարծիքին է և սպառնում է ռազմական միջամտությամբ՝ Հայաստանի տարածքային ամբողջականությանը սպառնացող վտանգի դեպքում: Ռուսաստանն ու ԱՄՆ-ն առայժմ լռում են՝ ամբողջությամբ կենտրոնացած լինելով ուկրաինական խնդրի վրա: Միակ կողմը, որն իր հռետորաբանությունը համապատասխանեցնում է թուրք-ադրբեջանական երկյակի մոտեցումներին, ԵՄ-ն է, որն, ի դեմս Գերագույն հանձնակատար ֆոն դեր Լայենի, Երևանից պահանջում է կատարել Բաքվի առավելապաշտական պայմանները: Սա հակասում է հայ հասարակության մեջ վերջին տարիներին շրջանառվող այն խոսույթին, թե, իբր, հատկապես ՌԴ-ն ու Չինաստանն են շահագրգռված, որպեսզի, այսպես կոչված, «*Չանգեզուրի միջանցքը*» խլվի հոգուտ Ադրբեջանի: Այսինքն՝ այդ տրամաբանությամբ ԼՂ-ի լուծարման հիմնական շահառուները եղել են Մոսկվան ու Պեկինը: Մինչդեռ Ուսուլա ֆոն դեր Լայենի հայտարարությունները և ԵՄ-ից եկող ազդանշանները բացահայտ վիճարկում են այս տարածված թեզը: